

Dekatkan belia dengan Al-Quran



Dari muka 1

Oleh : Wan Mohamad Sahran Wan Ahmadi
Foto : Mohd. Sahrizal Haji Said



DULI Yang Teramat Mulia Paduka Seri Pengiran Muda 'Abdul Malik ibni Kebawah Duli Yang Maha Mulia Paduka Seri Baginda Sultan Haji Hassanah Bolkiah Mu'izzaddin Waddaulah menadah tangan ketika doa dibacakan pada Majlis Perhimpunan Tadarus Al-Quran Belia Senegara (atas). Sementara gambar atas kiri, DYTm berkenan menerima junjung ziarah sejurus tiba di Jame 'Asr Hassanil Bolkiah.

Kebangkitan Duli Yang Teramat Mulia dijunjung oleh Menteri Hal Ehwal Ugama, Yang Berhormat Pehin Udana Khatib Dato Paduka Seri Setia Ustaz Haji Awang Badaruddin bin Pengarah Dato Paduka Haji Awang Othman; Menteri di Jabatan Perdana Menteri, Yang Berhormat Dato Seri Setia Haji Awang Abdul Mokti bin Haji Mohd. Daud dan Menteri Kebudayaan, Belia dan Sukan, Yang Berhormat Mejar Jeneral (B) Dato Paduka Seri Haji Aminuddin Ihsan bin Pehin Orang Kaya Saiful Mulok Dato Seri Paduka Haji Abidin serta Timbalan Menteri Hal Ehwal Ugama, Yang Mulia Pengiran Dato Seri Paduka Haji Bahrom bin Pengiran Haji Bahar.

Bacaan Ummul Kitab, Surah Al-Fatihah memulakan acara yang dipimpin oleh Awang Abdull Muin bin Haji Abdul Hamid yang merupakan Johan Musabaqah Tilawatil Quran Belia Kebangsaan Tahun 1440 Hijrah / 2019 Masihi. Majlis diteruskan dengan bacaan Khatam Al-Quran bermula dari Surah Ad-Dhuha hingga Surah Al-Massad yang diketuai oleh Awang Ridhwan Azawani bin Haji Zainul Arifin, penuntut Institut Tahfiz Al-Quran Sultan Haji Hassanah Bolkiah (ITQSHHB) diikuti dengan bacaan Takhtim dari Kumpulan Dikir Universiti

Islam Sultan Sharif Ali (UNISSA) yang juga membawakan Dikir Marhaban. Sementara Doa Khatam dan Doa Allah Peliharakan Sultan dan Negara Brunei masing-masing dibacakan oleh Awang Muhammad Hilmi bin Md. Iskandar, penuntut ITQSHHB dan Awang Abdull Muin bin Haji Abdul Hamid. DYTm kemudiannya berkenan menerima pesambah yang disembahkan oleh Yang Berhormat Menteri Kebudayaan, Belia dan Sukan. Majlis anjuran secara kolaborasi Kementerian Kebudayaan, Belia dan Sukan

dengan kerjasama Kementerian Hal Ehwal Dalam Negeri, Kementerian Hal Ehwal Ugama dan Kementerian Pendidikan diakhiri dengan Sembahyang Fardu Zuhur berjemaah yang diimamkan oleh Yang Dimuliakan Begawan Pehin Khatib Dato Paduka Awang Haji Mustafa bin Haji Murat. Sementara itu, majlis yang sama juga diadakan di Masjid

Omar 'Ali Saifuddin bagi belia perempuan. Setentunya, acara keagamaan seumpama ini amat bertepatan sekali di bulan yang mulia ini agar dapat mendekatkan lagi diri belia itu sendiri terhadap kitab suci Al-Quran untuk dijadikan amalan dan panduan, ke arah menuju kehidupan yang sebenar demi mencapai kebahagiaan di dunia dan akhirat kelak.



DYTm berkenan menerima pesambah yang disembahkan oleh Yang Berhormat Menteri Kebudayaan, Belia dan Sukan (atas kanan). Sementara gambar atas, DYTm bersama-sama menunaikan Sembahyang Fardu Zuhur Berjemaah yang diimamkan oleh Yang Dimuliakan Begawan Pehin Khatib Dato Paduka Awang Haji Mustafa bin Haji Murat.



LEBIH 1,200 belia lelaki menyertai Majlis Perhimpunan Tadarus Al-Quran Belia Senegara yang dianjurkan secara kolaborasi Kementerian Kebudayaan, Belia dan Sukan dengan kerjasama Kementerian Hal Ehwal Dalam Negeri, Kementerian Hal Ehwal Ugama dan Kementerian Pendidikan (kanan dan kanan sekali).